

2

¶ PETRVS Mar. Aleander. Ex Corneliano. P.
Ioanni Baptiste Baldo Antiquario. Sal.



Vum per multi sint in vrbe Verona Ioannes
baptista Balde: qui nobilitate & litteris me-
rentur sibi quæ de virtute tractant inscribi:
non propterea ex his es qui famam tui no-
minis ex alienis scriptis aucuperis: nec mi-
rari debet quis: quū cuiq; doctissimo sis no-
tus hi te silentio si pretereunt: sacerdotum
genus hoc æuo quum commemoratur nauseam quandam vi-
detur obiicere vtpote apud quos dum summa debeat esse do-
ctrina infima sit ignorãtia: & posse falli si in omnibus hæc opi-
nantur non incertum est. Mattheum ruffum: Pantheum anto-
nium & alios quã plures cõmemorarem. Cum doctissi. Hiero-
auantio. Bartholameo merula: qui iam tua patria videtur do-
nari: quorum studia adeo inter doctos innotuerunt: vt sint
tanquã equus qui nesciat stare loco. Sed hoc sit satius: fit hoc
idem in scriptis vt si quæ elucubrata emittantur sacerdotis in-
scriptione: legentes prius ea fastidiãt quã perlegerint: quod
vitium temporis facit multitudo nescientiũ Bède igitur tem-
pora per te quum in lucem deuenerint (vt & multa alia) Et si
sint sacerdotis cõmẽtaria. Et sacerdotis eius qui de christiana
rep. in multis est bene meritus præsbyster tibi non immerito
inscribimus . Auguror tamen dicturos multos suum dicendi
genus non probari. Sed queso prius legant quã damnent: &
tempora comparent . Ei hoc diiudicato tu. cui in litteris est
æqua censura: acre ingenium rerũq; omniũ multiplex copia: vt
si libero loqui liceat: abstrussa quæq; & antiqva in tuam cõfluũt
accademiam. Habes non tam quæ in italia verum etiam quæ
extra in antiquis exculpta marmoribus tam recõdita apud te:
vt merito sis antiquarius nuncupandus. In tua quoq; tam ge-
nerosa vrbe alumna virtutum. nemo est qui Baldum non no-
uerit amauerit & coluerit: adde q; quisq; litteratus ad te tan-
quam ad metam dirigitur. Bedam itaq; varia iam diu scriben-
tem: non docte minus quam prudenter. Afferentẽ secum Plin-
ium. Veronensem ad te dirrigimus vt vna cum assertoribus
Plinianæ ciuitatis: & audias & amplexaris. Vale.
Patauii. Id. Martiis. M.CCCCC.V.

a li